

ხელშეკრულება №45

ქ. თბილისი

მარტი 2023 წელი

ერთის მხრივ - საქართველოს უზენაესი სასამართლო (შემდგომში „შემსყიდველი“) წარმოდგენილი მისი ფინანსების მართვისა და ლოჯისტიკის ცენტრის უფროსის ირაკლი გოცირიძის სახით და მეორეს მხრივ, შპს „ფაუნტინ ჯორჯია“ (შემდგომში - „მიმწოდებელი“), წარმოდგენილი მისი დირექტორის ლონდა გოდაბრელიძის სახით, „სახელმწიფო შესყიდვების შესახებ“ საქართველოს კანონის და პრეტენდენტის სატენდერო წინადადების საფუძველზე, ელექტრონული ტენდერის (NAT230004469) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელზეც გაფორმებულია წინამდებარე ხელშეკრულება.
- 1.3. „შემსყიდველი“ – ორგანიზაცია, რომელიც ახორციელებს მომსახურების შესყიდვას ხელშეკრულების ფარგლებში.
- 1.4. „მიმწოდებელი“ – პირი, რომელიც ახორციელებს მომსახურების მიწოდებას ხელშეკრულების ფარგლებში.
- 1.5. ფასების ცხრილი – დანართი N1

2. ხელშეკრულების საგანი

2.1. „მიმწოდებელი“ უზრუნველყოფს სამეცნიერო-პრაქტიკული იურიდიული ჟურნალის „მართლმსაჯულება და კანონი“-ს დაბეჭდვას და „შემსყიდველი“-ს ფიზიკურ მისამართზე მიწოდებას (CPV79823000) 2023 წლის განმავლობაში ეტაპობრივად (სულ 4-ჯერ, ერთი ტირაჟი - 450 ცალი, სულ 1 800 ცალი), მიმწოდებლისათვის დასაბეჭდად გამზადებული ფაილის (PDF) ჩაბარებიდან არაუმეტეს 7 (შვიდი) კალენდარული დღის განმავლობაში.

3. ხელშეკრულების ღირებულება

3.1. იურიდიული ჟურნალი „მართლმსაჯულება და კანონი“, მაღალპოლიგრაფიული ხარისხი, ოფსეტური ბეჭდვა, ფორმატი (ზომა) – A4. გარეკანი - 300 გ/მ² სიმკვრივის ცარცი, ფერადი (4+1 ვერცხლით), გლუვი ლამინაცია. თითოეული ნომრის გარეკანის ფერი ერთნაირი. შიგთავსი - შიდა გვერდები 90 გ/მ², არაპრიალა ცარცი, შავ-თეთრი. აკინძვა - თერმული, „ბიგოვკით“ (ქდე). გვერდების რაოდენობა (ერთი ნომერი) – 160 - 200 გვ. ბეჭდვა: გარეკანი - ფერადი, შიგთავსი – შავ-თეთრი. ბეჭდვის შემდგომი დამუშავება: გარეკანის ლამინაცია არაპრიალა ფირით. შიდა გვერდები – დამუშავება-ამოღება ფირზე

(CTF ტექნოლოგიით) – 4 (ოთხი) ნომერი, 1 800 (ათას რვაასი) ცალი, 1 (ერთი) ცალის ფასი დღგ-ს გარეშე 6.10 ლარი, სულ 10 980.00 ლარი.

3.2. ერთი ნომრის (450 ცალი) ღირებულება დღგ-ს გარეშე შეადგენს 2 745.00 (ორი ათას შვიდას ორმოცდახუთი) ლარს.

3.3. ხელშეკრულების ჯამური ღირებულება დღგ-ს გარეშე შეადგენს 10 980.00 (ათი ათას ცხრაას ოთხმოცი) ლარს.

3.4. ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების შესყიდვასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს დღგ-ს გარეშე.

4. ანგარიშსწორების ფორმა და ვადები

4.1. გაწეული მომსახურების ღირებულების ანაზღაურება განხორციელდება უნაღდო ანგარიშსწორებით, ეტაპობრივად, ერთი ნომრის (ტირაჟი - 450 ცალი) მიწოდების შემდეგ, საანგარიშსწორებო დოკუმენტაციის გაფორმების საფუძველზე, მიმწოდებლის მიერ მითითებული რეკვიზიტების მიხედვით.

4.2. ანგარიშსწორების ვადა/გრაფიკი – შესაბამისი საანგარიშსწორებო დოკუმენტაციის გაფორმებიდან არაუმეტეს 5 (ხუთი) სამუშაო დღის განმავლობაში.

5. მიღება-ჩაბარების წესი

5.1. მომსახურება ჩაითვლება მიღებულად მხოლოდ მხარეთა მიერ გაფორმებული საანგარიშსწორებო დოკუმენტაციის ხელმოწერის შემდეგ.

5.2. საქონლის ტრანსპორტირებას საკუთარი ხარჯებით უზრუნველყოფს „მიმწოდებელი“ შემდეგ მისამართზე – ქ. თბილისი, ძმ. ზუბალაშვილების ქ. №6, საქართველოს უზენაესი სასამართლო.

6. მხარეთა უფლება-მოვალეობანი

6.1. შემსყიდველი უფლებამოსილია:

ა) ხელშეკრულების მოქმედების განმავლობაში განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.

6.2. შემსყიდველი ვალდებულია:

ა) უზრუნველყოს მიმწოდებლის მიერ გაწეული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.3. მიმწოდებელი უფლებამოსილია:

ა) მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.4. მიმწოდებელი ვალდებულია:

ა) მიაწოდოს საქონელი „შემსყიდველს“ სათანადო ხარისხითა და სრული მოცულობით, განუხრელად და ჯეროვნად შეასრულოს ხელშეკრულების პირობები იმ ვადაში, რომელიც მითითებულია წინამდებარე ხელშეკრულებაში.

7. ხელშეკრულებით ნაკისრი ვალდებულებების შესრულების ინსპექტირება

7.1. ხელშეკრულებით ნაკისრი ვალდებულებების შესრულების ინსპექტირებას განახორციელებს შემსყიდველის მიერ გამოყოფილი კოორდინატორთა ჯგუფი - საგამომცემლო სექტორის კონსულტანტი ნინო ძიმიგური და ფინანსების მართვისა და ლოჯისტიკის ცენტრის მთავარი კონსულტანტი სამეურნეო ნაწილში გიორგი სარაჯიშვილი (უფლებამოსილი პირები).

7.2. ინსპექტირება გულისხმობს მიმწოდებლის მიერ ხელშეკრულების პირობების შესაბამისად გაწეული მომსახურებისა და შესასყიდი საქონლის რაოდენობის, მიწოდების ვადებისა და ხარისხის კონტროლს.

7.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8. ხელშეკრულებაში ცვლილებების შეტანა და ხელშეკრულების შეწყვეტა

8.1. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

8.2. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

8.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მხარეს არანაკლებ 2 (ორი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით.

8.4. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

9. დაუძლეველი ძალა (ფორს - მაჟორი)

9.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია

დაუძლეველი ძალის (ფორს-მაჟორი) ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

9.2. თუ მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო სამუშაო დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

9.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

10. მხარეთა პასუხისმგებლობა

10.1. ფორს-მაჟორული გარემოებების გარდა, მომსახურების განხორციელების ვადის გადაცილებისათვის მიმწოდებელს ეკისრება პირგასამტეხლო შეუსრულებელი ვალდებულების ღირებულების 0,2%-ის ოდენობით ყოველ ვადაგადაცილებულ დღეზე.

10.2. იმ შემთხვევაში, თუ ვადების გადაცილებისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 1%-ს, შემსყიდველს უფლება აქვს ცალმხრივად შეწყვიტოს ხელშეკრულება

10.3. სახელშეკრულებო ვალდებულებების სრულად ან ნაწილობრივ შეუსრულებლობის შემთხვევაში, შემსყიდველი უფლებამოსილია შეწყვიტოს ხელშეკრულება და დააკისროს მიმწოდებელს პირგასამტეხლო ხელშეკრულების ჯამური ღირებულების/შეუსრულებელი ნაწილის 5%-ის ოდენობით.

10.4. გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო, ყოველ ვადაგადაცილებულ დღეზე გადასახდელი თანხის 0,2 %-ის ოდენობით.

10.5. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

11. დავები და მათი გადაწყვეტის წესი

11.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. სხვა პირობები

12.1. წინამდებარე ხელშეკრულება შედგენილია თანაბარი იურიდიული ძალის მქონე 2 (ორი) ეგზემპლარად (ერთი შემსყიდველს, ერთი მიმწოდებელს).

13. ხელშეკრულების მოქმედების ვადა

13.1. ხელშეკრულება ძალაში შედის მხარეთ მიერ მასზედ ელ. ხელმოწერისთანავე და მოქმედებს 2024 წლის 31 იანვრის ჩათვლით.

მხარეთა რეკვიზიტები

შემსყიდველი: საქართველოს უზენაესი სასამართლო ს/კ 203 860 508 ქ. თბილისი, მმ. ზუბალაშვილების ქ. №6 ტელ: 299 09 62. ელ. მისამართი: temuri07@yahoo.com ანგარიში: სახელმწიფო ხაზინა კოდი TRESGE22 ანგ. №GE24 NB03 3010 0200 1650 22	მიმწოდებელი: შპს „ფაუნტეინ ჯორჯია“ ს/კ 200 036 932 ქ. თბილისი, სააკაძის ქ. №17ა ტელ: 235 67 08; 599 17 54 54 ელ. მისამართი: print@fountain.ge ანგარიში: სს „თიბისი ბანკი“ ბანკის კოდი TBCBGE22 ანგ. №GE73 TB11 0000 0360 8003 73
---	---

ირაკლი გოცირიძე

ლონდა გოდაბრელიძე

ფ ა ს ე ბ ი ს ც ხ რ ი ლ ი

N	აღწერილობა	რაოდენობა	ერთეულის ფასი დღგ-ს გარეშე (ლარი)	საერთო ღირებულება დღგ-ს გარეშე (ლარი)
1	2	3	4	5
1	იურიდიული ჟურნალი „მართლმსაჯულება და კანონი“, მაღალპოლიგრაფიული ხარისხი, ოფსეტური ბეჭდვა, ფორმატი (ზომა) - A4. გარეკანი - 300 გ/მ ² სიმკვრივის ცარცი, ფერადი (4+1 ვერცხლით), გლუვი ლამინაცია. თითოეული ნომრის გარეკანის ფერი ერთნაირი. შიგთავსი - შიდა გვერდები 90 გ/მ ² , არაპრიალა ცარცი, შავ-თეთრი. აკინძვა - თერმული, „ბიგოვკით“ (ჭდე). გვერდების რაოდენობა (ერთი ნომერი) - 160 – 200 გვ. ბეჭდვა: გარეკანი - ფერადი, შიგთავსი - შავ-თეთრი. ბეჭდვის შემდგომი დამუშავება: გარეკანის ლამინაცია არაპრიალა ფირით. შიდა გვერდები - დამუშავება-ამოღება ფირზე (CTF ტექნოლოგიით)	1 800 ცალი	6.10	10 980.00

ირაკლი გოცირიძე

ლონდა გოდაბრელიძე